



Broj: 01- 02-8148 /16  
Zenica, 13.04.2016. godine


- VLADA ZENIČKO-DOBOJSKOG KANTONA-n/r sekretara
- ZAKONODAVNO-PRAVNA KOMISIJA SKUPŠTINE-n/r predsjedavajućeg


**PREDMET:** Inicijativa Trako Senada, poslanika u Skupštini Zeničko-dobojskog kantona, za dopunu člana 14. Zakona o kantonalnim administrativnim taksama-dostavlja se,

Trako Senad, poslanik u Skupštini Zeničko-dobojskog kantona, podnio je na 26. sjednici Skupštine Zeničko-dobojskog kantona održanoj 01.04.2016. godine, u okviru predtačke dvenog reda: „Postavljanje poslaničkih pitanja i pokretanje inicijativa“, a shodno članu 111. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) Inicijativu za dopunu člana 14. Zakona o kantonalnim administrativnim taksama.

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona u prilogu vam dostavljamo na mišljenje predmetnu inicijativu o kojoj ste se dužni izjasniti u roku od 30 dana, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR  
  
Ibrahim Avdagić



**PRILOZI:** dio transkripta sa 26. sjednice Skupštine u kome je sadržana inicijativa poslanika Trake i inicijativa dostavljena u pisanoj formi

**Dostavljeno:**

1x Naslovu

1x Ministarstvu finansija Ze-do kantona

1x Svim poslanicima Skupštine - 05-03

1x U spis predmeta / „R“ - 03

## **SENAD TRAKO**

Ja bih danas inicijativu jednu pokrenuo.

Pokrećem inicijativu za dopunu Zakona o kantonalnim administrativnim taksama. Dopuna se odnosi na član 14. ovog Zakona, dva, oslobađanje od plaćanja taksi, tako da se u ovom članu pod, pored osam kategorija koje su u njemu nabrojane uvrsti i kategorija nezaposlenih lica.

Obrazloženje: u članu 14. Zakona o kantonalnim taksama stoji da su oslobođeni od plaćanja administrativnih taksi Federacije, federalne jedinice i jedinice lokalne samouprave i njihovi organi, radnici u postupku za ostvarivanje prava po osnovu radnog odnosa, humanitarne organizacije, građani slabog imovnog stanja, strani državljani ako je to predviđeno međunarodnim Ugovorom ili pod uvjetima reciprociteta, ratni vojni invalidi i invalidi sa procentnom invalidnosti iznad 60%, članovi uže porodice šehida, poginulih boraca, organizacije osnovnih, osnovane za zaštitu osoba sa fizičkim ili psihičkim nedostacima i poremećajima, za spise i radnje koje su u vezi sa vršenjem djelatnosti, i osam - demobilisani nezaposleni pripadnici oružanih snaga prijavljeni kod Zavoda za zapošljavanje. Pored ovih nabrojanih kategorija smatram da je neophodno u ovaj član uvrstit i kategoriju nezaposlenih lica zbog njihovog socijalnog statusa.



Skupština ZE-DO kantona

Zastupnik u Skupštini ZE-DO kantona

Senad Trako

Bps-Sefer Halilović

Visoko, 01.04.2016. godine

## INICIJATIVA

Pokrećem inicijativu za dopunu **Zakona o kantonalnim administrativnim taksama**.

Dopuna se odnosi na Član 14. ovog **Zakon II OSLOBAĐANJE OD PLAĆANJA TAKSI**, tako da se u ovaj Član pored 8 **kategorija koje su** u njemu nabrojane uvsti i kategorija nezaposlenih lica.

Obrazloženje

U Članu 14. Zakona o kantonalnim taksama **stoji da su** oslobođeni od plaćanja administrativnih taksi

1. Federacija, federalne jedinice i jedinice **lokalne samouprave** i njihovi organi,
2. radnici u postupku za ostvarivanja prava **po osnovu radnog** odnosa,
3. humanitarne organizacije,
4. građani slabog imovnog stanja,
5. strani državljani, ako je to predviđeno **međunarodnim** ugovorom ili pod uvjetima reciprociteta,
6. ratni vojni invalidi, invalidi sa **procenom invalidnosti** iznad 60%, članovi uže porodice šehida ,poginulih boraca,
7. organizacije osnovane za zaštitu **osoba sa fizičkim ili** psihičkim nedostacima i poremećajima za spise i radnje koje su u **vezi sa vršenjem** djelatnosti,
8. demobilisani nezaposleni pripadnici **Oružanih snaga BiH** prijavljeni kod Zavoda za zapošljavanje.

Pored ovih nabrojanih kategorija smatram da je neophodno u ovaj Član uvrstiti i kategoriju nezaposlenih lica zbog njihovog socijalnog statusa.

Zastupnik

Senad Trako

A handwritten signature in black ink, appearing to be 'Senad Trako', written over a horizontal line. The signature is stylized with loops and a long horizontal stroke extending to the right.

TM

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona na 92. sjednici, održanoj 04.04.2017. godine, donosi

SKUPŠTINA ZENIČKO - DOBOJSKOG KANTONA			
Primljeno: 10.04.2017.			
Org. jed.	Broj	Prilog	Vrijednost
01-02	-	5553	/17

## ZAKLJUČAK

### I.

Ne prihvata se poslanička inicijativa poslanika u Skupštini Zeničko-dobojskog kantona, gospodina Trako Senada, a kojom se predlaže donošenje dopune člana 14. Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10, 12/13 i 3/14), a u skladu sa Mišljenjem Ministarstva finansija, broj: 07-02-8148/16 od 15.03.2017. godine, koji je sastavni dio ovog Zaključka.

### II.


Zaključak sa Mišljenjem Ministarstva finansija upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-02-5553 /17.  
Datum, 04.04.2017. godine  
Zenica

DOSTAVLJENO:  
1x Skupština Zeničko-dobojskog kantona,  
1x Stručna služba Vlade,  
1x Ministarstvo finansija,  
1x a/a.





Broj: 07-02-8148/16  
Zenica, 15.03.2017. godine

## STRUČNA SLUŽBA VLADE

Na osnovu **poslaničke inicijative poslanika u Skupštini Zeničko-dobojskog kantona, gospodina Trako Senada**, a kojom se predlaže donošenje **dopune člana 14. Zakona o kantonalnim administrativnim taksama** – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10, 12/13 i 3/14), dostavljamo Vam slijedeće

### MIŠLJENJE

Poslanik u Skupštini Zeničko-dobojskog kantona, gospodin Trako Senad uputio je poslaničku inicijativu na 26. sjednici Skupštine Kantona, a kojom se predlaže donošenje dopune člana 14. Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10, 12/13 i 3/14), u smislu da se od plaćanja kantonalnih administrativnih taksi oslobodi i kategorija nezaposlenih lica.

Članom 14. Zakona o kantonalnim administrativnim taksama je propisano da su od plaćanja kantonalne administrativne takse oslobođeni:

1. Federacija, federalne jedinice i jedinice lokalne samouprave i njihovi organi;
2. radnici u postupku za ostvarivanje prava po osnovu radnog odnosa;
3. humanitarne organizacije;
4. građani slabog imovnog stanja;
5. strani državljani i strane države, ako je to predviđeno međunarodnom ugovorom ili pod uvjetima reciprociteta;
6. dobitnik ratnog priznanja ili odlikovanja, ratni vojni invalid, član porodice šehida, poginulog, umrlog, nestalog branioca, član uže porodice poginulog, umrlog ili nestalog dobitnika ratnog priznanja ili odlikovanja, bivši logoraš, nezaposleni demobilizirani branilac i invalid sa procentom invalidnosti iznad 60%;
7. organizacije osnovane za zaštitu osoba sa fizičkim ili psihičkim nedostacima i poremećajima za spise i radnje koje su u vezi sa vršenjem djelatnosti;
8. ratni vojni invalid, demobilizirani branilac, član porodice šehida, poginulog, umrlog i nestalog branioca, dijete ratnog vojnog invalida i dijete demobiliziranog branioca, u postupku pribavljanja dokumentacije u cilju stipendiranja i pomoći u školovanju.


Članom 12. stav 2. Zakona o kantonalnim administrativnim taksama je propisano:  
„Takse Kantona su prihod budžeta Kantona“.

Imajući u vidu da bi usvajanje navedene Inicijative dovelo do smanjenja prihoda Budžeta Kantona, da stanje priliva javnih prihoda u Budžet Zeničko-dobojskog kantona nije zadovoljavajuće, da Kanton mora obezbijediti prihode za finansiranje svojih ustavnih i zakonskih nadležnosti i obaveza, te s obzirom da je postojećim odredbama člana 14. Zakona već na dovoljno širok način propisano oslobađanje od plaćanja kantonalnih administrativnih taksi, počevši od građana slabog imovnog stanja, pa do širokog kruga kategorija branilaca i članova njihovih porodica, Ministarstvo finansija je mišljenja da se iz navedenih razloga, predmetna Inicijativa ne treba prihvatiti.

S poštovanjem.

### DOSTAVLJENO:

1x Naslovu,  
1x a/a.



STAR

Kajić